

## Эс барлгдсн бичгин хярү

Целинн райокас селькор редакц бичсн „Одачн чальчактан“ гисн заметкд: бийсән угъадг, үсән хяачлүлдг гермүд районд уга. Район деер тосхлт кегдджähш. Хот-хоолин лавк зәрмдән дөрвн хонгт хаалгъата баянә. Хот уудг гернь болхла бузр, хот-хоолнь өдр болгън нег зүсн болна. Эдниг шүүдж хяладг күн уга, амтнә неквр бичдг дегтр чигн уга баядж. Эн герт кәдлдг амтнь дегд мольрун, — гидж мана редакц бичлә.

Эн заметкиг Целинн района күцәгч комитетин ахлач үр Ситькод, шүүдж хялатн гидж мана редакц даалгъсн.

Мана даалгъврар Целинн райисполком шүүдж хяласн,

заметкд бичсн дуту-дундс райпотребсоюзин болн райкомхозин кәдлмшт баяснь үнн болдж гарв.

Заметкд келгдсн дуту-дундсиг уга кехин төләд күцәгч комитет, эв-аргъан олдж Целинн поселкд неджәгъад гербүл баядг 15 гермүд болн 8 гер - бүл баях нег гер тосхгдджана.

Хот уудг герин кәдләчир цугтан медрлтә, дамшлтта кәдләчирәр сольгдв, бийсән угъадг гер таслвр угагъар кәдлнә. Толгъа хяачлдг газр, секдг гер уга болсар, ода күртл бүрдәгдәд уга, — гидж Целинн района күцәгч комитетин ахлачин дарук үр Никитин редакц сонъсхв.